



REPUBLIKA E SHQIPËRISË  
KËSHILLI I MINISTRAVE

**V E N D I M**

Nr. 540, datë 6.8.2014

**PËR**

**PEZULLIMIN E VEPRIMTARISË SË DISA INSTITUCIONEVE PRIVATE  
TË ARSIMIT TË LARTË**

Në mbështetje të nenit 100 të Kushtetutës dhe të neneve 45, pika 4, e 63, pika 4, të ligjit nr.9741, datë 21.5.2007, “Për arsimin e lartë në Republikën e Shqipërisë”, të ndryshuar, me propozimin e ministrit të Arsimit dhe Sportit, Këshilli i Ministrave

**V E N D O S I:**

- I. Pezullimin e veprimtarisë së disa institucioneve private të arsimit të lartë, për një periudhë deri në dy vjet, duke mos lejuar regjistrimin e studentëve të rinj, deri në plotësimin kritereve ligjore e nënligjore, të përcaktuara në ligjin për arsimin e lartë dhe aktet nënligjore në zbatim të tij.
- II. Institucionet private të arsimit të lartë të cilave do t'u pezullohet veprimtaria janë:
  1. Institucioni privat i arsimit të lartë “Akademia Profesionale e Biznesit”;
  2. Institucioni privat i arsimit të lartë “Kolegji profesional “NEW GENERATION””;
  3. Institucioni privat i arsimit të lartë “Shkolla e lartë private “Justicia””;
  4. Institucioni privat i arsimit të lartë “Universiteti “Aldent””;
  5. Institucioni privat i arsimit të lartë “ISSAT”;
  6. Institucioni privat i arsimit të lartë “Shkolla private e arsimit të lartë “Pavarësia””;
  7. Institucioni privat i arsimit të lartë “Shkolla e lartë universitare jopublike “Sevasti dhe Parashqevi Qiriazi””;

8. Institucioni privat i arsimit të lartë “Shkolla e lartë universitare “Instituti Kanadez i Teknologjisë””;
  9. Institucioni privat i arsimit të lartë “Shkolla e lartë universitare “Wisdom University””;
  10. Institucioni privat i arsimit të lartë “Kolegji profesional “IVOCLAR VIVADENT & PARTNERS””;
  11. Institucioni privat i arsimit të lartë “Shkolla e lartë private “Hëna e Plotë” (BEDËR)””;
  12. Filiali Berat “Albanian University” (pjesë e universitetit privat “Albanian University”);
  13. Shkolla e lartë private “Logos”;
- III. Institucionet private të arsimit të lartë të përmendura në pikën II, të këtij vendimi, kanë detyrimin të mos regjistrojnë studentë të rinj në asnjë nga programet e studimit që ata ofrojnë, (përfshi studentë në vitin e parë, në vite të ndërmjetme apo dhe transferime), për të gjithë periudhën e kohëzgjatjes së pezullimit të veprimtarisë.
- IV. Institucionet private të arsimit të lartë të parashikuara në pikën II, të këtij vendimi, duhet të dorëzojnë në Ministrinë e Arsimit dhe Sportit, brenda 45 ditëve nga hyrja në fuqi e këtij vendimi, një raport të detajuar mbi të gjitha masat e marra në zbatim të rekomandimeve dhe gjetjeve të paraqitura në raportin e miratuar nga ministri i Arsimit dhe Sportit, që dëshmojnë plotësimin e të gjitha kritereve të ligjshmërisë, të parashikuara në legjislacionin në fuqi, të shoqëruar me të gjithë dokumentacionin përkatës në mbështetje të tij.
- V. Ministri i Arsimit dhe Sportit është përgjegjës për ndjekjen dhe kontrollin e zbatimit të ligjishmërisë në këto institucione. Ai ngrë grupe pune për inspektimin dhe verifikimin e situatës lidhur me zbatimin e ligjshmërisë dhe detyrimet e tjera të institucioneve private të arsimit të lartë. Bazuar në rezultatet e inspektimit, kur gjen se institucioni ka përbushur kriteret ligjore e nënligjore, i propozon Këshillit të Ministrave, rast pas rasti, heqjen e masës së marrë për pezullimin e veprimtarisë.
- VI. Institucionet private të arsimit të lartë të përmendura në pikën II, nuk mund t'i nënshtronen procesit të vlerësimit dhe akreditimit gjatë periudhës së pezullimit të veprimtarisë, deri në përbushjen e kritereve ligjore e nënligjore.
- VII. Për të gjitha institucionet private të arsimit të lartë, të cilat nuk do të marrin masa për plotësimin e detyrimeve që burojnë nga ligji dhe aktet nënligjore në zbatim të tij, Ministria e Arsimit dhe Sportit i propozon Këshillit të Ministrave, rast pas rasti, heqjen e licencës dhe ndërprerjen përfundimtare të veprimtarisë.

IX. Ngarkohen Ministria e Arsimit dhe Sportit dhe të gjitha subjektet juridike, përfaqësuese të institucioneve private të arsimit të lartë, të përmendura në pikën II, për zbatimin e këtij vendimi.

Ky vendim hyn në fuqi pas botimit në "Fletoren zyrtare".

**K R Y E M I N I S T R I**

**EDI RAMA**

**Në mungesë dhe me porosi**

**ZËVENDËSKRYEMINISTRI**

**NIKO PELESHI**

MINISTRI I ARSIMIT  
DHE SPORTIT

LINDITA NIKOLLA



NR.PROT.30941,  
DATË 7.8.2014

MINISTRISË SË ARSIMIT DHE SPORTIT  
QENDRËS SË BOTIMEVE ZYRTARE

**Sekretari i Përgjithshëm**

Engjell AGACI

